

دار النشر والوقت  
المنظر  
التشجيع العامية المصرية  
تقييم البرغوثي



حنس التون ٢٠٠٤



# المنظر

أشعار بالعامية المصرية

الطبعة الأولى

١٤٢٣ هـ - ٢٠٠٢ م

بيعت جنتوق الطبع منقولة

© دار الشروق

أسسها محمد المعتز عام ١٩٦٨

القاهرة: ٨ شارع سيدي بويه المصري -

رابعة العدوية - مدينة نصر

ص . ب : ٣٣ البانوراما - تليفون : ٤٠٢٣٣٩٩

فاكس : ٤٠٣٧٥٦٧ (٢٠٢)

البريد الإلكتروني: email: dar@shorouk, com.

تميم البرغوثي

# المنظر

أشعار بالعامية المصرية

دار الشروق



## هدية

عمرى هدية ف عيد ميلادى الصفر قبل الأولانى  
والنهارده بافتح السلُفان وافك فيونكته  
ولقيت حاجات جواه كتير  
آخر عادية إنما آخر عجب:  
ساعة ذهب  
وكل ساعة ف أى عمر تُمرُّ<sup>و</sup>  
تبقى من ذهب  
عفريت علب  
يا تشوفه تضحك  
أو تشوفه تموت من الخضة، حَسَبْ.  
وعروسة حلوة بزنبك  
وعروسة تانية حلوة من غير زنبك  
وتاج سجين

وقيود ملك

ولقيت ولد كوتشينة

يفضل هوّه هوّه فى الورق

مهما انقلب

ولقيت كتب

ولقيت طرب

ولقيت شريط فيديو طويل

مكتوب عليه

خمسون عام من الصراع بين الصهاينة والعرب

وجهنم الحمراء لقيتها ف محبرة

والجنة برضه ف محبرة

ولقيت حصان عربى ومضماره غرا،

ولقيت بابور من غير لهب

ولقيت ف آخر العلبة كارت ابيض،

عليه إسمى فقط، والباقى لسه ما انكتب

احترت أعمل إيه أنا فى كل ده

يا رب شكراً إنما كان لازمته ايه التعب.

كركبتهم فى العلبة تانى كلهم

وقفلتها ولقيتها بالسلفان



وضبّطت الفيونكة تمام  
ورميتها فى سقف السما  
أعلى فأعلى،  
والهدية تحولت صحبة يمام  
أجرى وراها للأبد.  
عشان ايه عملت كده أنا؟  
والله ما اعرفش السبب.



## النملة

أنا نملة واقعة ف رغوة الصابون  
قاعد أرفس هل أكون أو لا أكون  
مجنون

لا فى تحتى أرض اسند عليها  
ولا ف إيديا حاجة أمسك فيها  
أصرخ الحقونى يا ناس ح اموت  
نفسى اتقطع ولا حد حاسس بيّا،  
ملغى من الحساب،  
وكأن ربى حطنى ع الأجدية سكون  
مأ انا نملة واقعة ف رغوة الصابون

\* \* \*

والرغوة من حوالياً كبرت  
زى مار دلسه سايب قمقمه للتو

واقف يقطع ظهره ويشمّ الهوا  
رجلّه أمامى ورأسه فوق فى الجوّ  
بيبصّ لى كده باحتقار  
وانا فى الكرامة مفيش هزار  
أنا قلت ازعق فيه فتحصل معجزة  
يمكن إلهى يسخطه مثلاً أو انه يختفى  
وما هوش بعيد على ربنا،  
تبقى تراجيديا تتقلب كرتون،  
ما حصلش طبعاً للأسف  
وفضلت نملة ف رغوة الصابون

\* \* \*

نقش الصابون أصبح ميدان تحرير  
ومن الرغاوى وقف مجعّ والبشر طوابير  
إشارات مرور زحمة وزفة ماشية بالزامير  
بالليل تلاقى الإعلانات وياً المثقف  
قائمة بالتنوير  
والحكم للون الرمادى  
المنتخب بالإختيار الحر للجماهير  
جماهير

إذا ما شفتها لما تقوم الصبح  
من نومها وتسعى لشغلها  
دقَّ على الكفين وفي الرجلين  
تلاقى مطرح المسامير .  
يا ميدان سخيـف  
كما حصة التعبير  
يا ساطور مخيف  
فوق البشر مسنون  
أمرك وأمرى يهون  
مأنا في النهاية نملة وانت رغبة الصابون

\* \* \*

نَفَش الصابون أصبح بلاد عربية  
مصحف شهيد رايح يرُدّ الضيم  
عن أرض العرب  
مصحف ذهب  
ببمـرجه صدر البنيّة ف سلسلة ذهبيّة  
يا بلاد عجب  
هزيمتها قطعهُ عفش جُواً كل بيت أساسية  
زى الستاير والكنبُ

أمة رغاوى بس أحزانها حديد،  
ملؤى ومتزخرف كأبواب القصور  
والموت يهاتى مشغّلينه مسحراتى  
يلف فى كل الشهور  
مش بس شهر الصوم  
إصحوا بقى من النوم  
أو نامى نامى للأبد يا عيون  
يا أمة ساكن فيها لكن بيها أنا مسكون  
أمرك وأمرى يهون  
مأ أنا فى النهاية نملة وانتى رغوة الصابون

\* \* \*

نَفَس الصابون بقى هوَّ هوَّ الكُونُ  
إطلع على القمر الصناعى وشوف  
تلاقىها ورطة وكلنا فيها  
وما لكش مهرب منها غير ليها  
ما تشوفش من حوالىها إلا سواد  
وخلطة من العدم والخوف  
نقطة وطائرة فى الهوا  
يا نعيش سوا يانموت سوا

كوكب لوحده قوى  
كأنه طفل تاه من أهله  
أو مخطوف  
إنزل من القمر الصناعى وشوف  
شوف بهلوان  
وشه سبع الوان  
عمل سلطان  
قعد ع العرش  
يحكم عليك، تضحك تقول ده هزار  
وتُدرك لما يبقى الدم منك للركب  
إنه ما بيهزرش،  
شوف الأمل يوجع  
كما الروماتيزم فى العضم العجوز  
شوف بحر مالح،  
لو تعوز تشرب  
ولو تشرب تعوز  
يا سيرك ياللى اسمه اصطلاحاً كون  
يا ضخم يا زَعْنُونُ  
أمرك وأمرى يهون

مأنا فى النهاية نملة وانت رغوة الصابون

\* \* \*

نَفْسِ الصابون بقى موت

جاي لى بيجرى فاتح الأحضان

أهلاً وسهلاً يا حنون

إنشلى من دى الورطة

وابقالك أنا ممنون

ما تخافش من دية ولا من تار

ده انا والله قليل العون

خدنى وأمرى يهون

مانا فى النهاية نملة وانت،

حتى انت،

رغوة الصابون.



## أوضة

قالت لى مالك شايل هموم الناس  
وان كنت عارفة جاوبينى بالمقياس  
بعدين دى لعبة وليها أصول وأساس  
وان سبت نفسى لنفسى أنا حانداس  
أنا اللى حاطط أحزانى فى الأحباس  
وهى شاطرة تضحك على الحراس  
قلت لها سيبك هي اللى شايلانى  
عيسى وصليبه من شايل التانى  
وكل عانى يسند على عانى  
قاصد كتيبة أفيال، وقاصدانى  
وان مرة هربت تحبسنى أحزانى  
وانا ف ضلوعى سجنى وسجاني

ودماغى أوضة مكسورة الترباس  
تلقى على أرضها الكتب أكنداس  
جنب الكتاب فردتين شراب ومداس  
والشعر شخبوط فى صفتين كراس  
وحبل ممدود بين الأمل والياس  
واللمبة ترعش وف ضيها الوئاس  
يقدر يبات فيها القاصى والدانى  
مرمية بينها هدومى وقمصانى  
وتحت منه سجادة إيرانى  
منقوش على الحيطه بخط قرانى  
ناشر عليه العلم، وأكفانى  
ونس ووحشة يتوالوا ف ثوانى

شُعْالَةٌ مَرَّةً وَمَرَّةً ضَارِبَهَا الْمَاسُ  
وَالْأَوْضَةُ فِيهَا مَوْلِدُ نَبِيِّ وَقُدَّاسُ  
وَشَيْخٌ يِنَادِي فِي النَّاسِ يِدُقُّ أَجْرَاسُ  
وَفِيهَا بَيَّاعٌ يِنَادِي عِ الْإِحْسَاسُ  
خُوفِ الْعِرَاقِ وَجِرَاءَةُ الْأَعْرَاسُ  
وَفِيهَا عَسْكَرٌ تَسْتَعْرِضُ الْأَفْرَاسُ  
وَفِيهَا لَمَّةٌ مِنْ كَافَةِ الْأَجْنَاسُ  
فِيهَا فِلَسْطِينُ وَعِرَاقٌ وَحِفْلَةُ كَاسُ  
وَفِيهَا نَشْرَةُ أَخْبَارِ وَنَاسُ فِي الْكِيَاسُ  
وَشُعُوبٌ بِتَلْفِظِ فِي آخِرِ الْأَنْفَاسُ  
وَفِ لَانْتِحَارِ لِأَزْمِ الْقَضَاةِ تَحْتِاسُ  
وَدِمَاغِي فِيهَا بَدَائِعُ ابْنِ إِيَّاسُ  
وَدِمَاغِي عَايِزَالِهَا بِتَاعِ مِيْتِينِ كُنَّاسُ

ليلي ونهارى خصوصى علشانى  
والقصد دوشة مش حاجة ربانى  
هو اللى دايم وكل شىء فانى  
الحزن أصلى والضحك برانى  
تفصيل وجاهز، غالى ومجانى  
جيش شحاتين تحت راية سلطانى  
بكل لهجة بيزنو فى ودانى  
فى مجلس الامن جوهها هانى  
وبرود مذيعه قاعده بتنعانى  
بيقولو شريت سيم الفران تانى  
مين اللى مجنى عليه ومين جانى  
كأنه دوب زمانه فى زمانى  
ينضفوها من عقلى وجنانى

## فى العالم العربى تعيش

فى العالم العربى، تعيش،  
كما قط ساكن تحت عربية  
عينيه ماتشوفش م الدنيا دى حاجة الا الجِزْمُ  
فى العالم العربى تعيش،  
كما بهلوان السيرك  
تحتك بهلوان دايس عليه  
وفوق دماغك بهلوان دايس عليك  
والكل واقف محترم

فى العالم العربى تعيش،  
مباراة بقالها ألف عام  
لعبيبة تجرى يمين شمال  
والكورة طول الوقت

فى إدين الحكم  
فى العالم العربى تقول للبنت حبيتك  
تناولك بالألم

فى العالم العربى تعيش،  
تشتم فى طعم المية والطعمية  
والقهوة ورؤاها وفى مراتك وأولادها  
وحر وزحمة الأوتوبيس  
وفى اللى بيعمله ابليس  
وفى التفليس  
ولو سألوك  
تقول الحمد لله ربنا يديمها نعم

فى العالم العربى تعيش،  
كما دمة فى عيون الكريم  
المحنة تطردها يرجعها الكرم  
فى العالم العربى تعيش،  
تلميذ فى حوش المدرسة  
من غير فطار

عيّنه على الشارع  
ويحيى العَلْمُ

فى العالم العربى تعيش،  
بتبص فى الساعة  
وخايف نشرة الاخبار تفوت  
علشان تشوف ع الشاشة ناس،  
فى العالم العربى،  
تموت.



## الشيال

يكسى بلاد الله سهول وجبال  
رسّام على كرسى بعجل راسم  
ميناء وفيها بضاعة دوارة  
دوشة وسفن رايحة وسفن جاية  
والشغل كله يقوم به شيخ كركوب  
أصبح لطول الشغل والعادة  
والله يا تقيل الحمول لاهديك  
وطنى وهاعمل لك نشيد وطنى  
وانده ودمعى ما لوش لزوم خالص  
وما هوش رومانسية ولا شعارات  
شيال وأرضه شايلة عمايركم  
ونساكو شايلة عيالكو ع الأكتاف  
شيال وزى الشيايين مسروق  
شعرى ولسه خيوطه ع الأنوال  
ساحة وفيها خمسميت خيال  
كراتين هموم غامقة وبريد آمال  
ضباط بوليس ومهربين أموال  
فى المينا غيره مفيش نفر شغال  
هُوُّ السفن والمينا والعمال  
لقب الوطن لو تقبله يا خيال  
وارفع علم نقشه رسوم أطفال  
وطنى ياتي جان الملوك شياي  
ولا هوش كلام كده فى الهوا ينقال  
وعمايره شايلاكم نسا ورجال  
ورجالكو شايلين الهموم أرتال  
شيال وزى الشيايين محتال

تفتكره لما تشوفه آخر غُلب  
ماشى بيقطع فى المدى سواح  
يا خال أنا عاتب عليك أعرف  
وعملت نوح تجمع بنى الحيوان  
وتركتنى ماشى بلا ركوبة  
ضحك العجوز وبكى بنفس العين  
إلى يعوز وطنه ركوبة يكون  
وأنا فيه على ضهرى كتير كراكيب  
وضحك وقال بس أنت برضه صبرت  
قالها بخبائة ونزل القفّة  
شيلنى شيلته شربت أنا المقلب  
وطنى يا عيل! خد حمولك شيل  
فجأه عليت بصيت لقيت وطنى  
شالنى على كتافه كانى فنار  
وأنا شايل القفّة على كتافى  
زعق الوطن إنطق وقول وما فيش  
أنا قلت باسم الله وما أعطيت  
يكسى بلاد الله سهول وجبال



## بكاء على الأطلال

سألت عن أهلها الدار التي باقيا لي  
تقلت علياً وقالت لي وانا مالي  
قلت لها طب صبّحي يا أمُّ الفنا خالي  
قالت مألوش لازمة حالك نسخة من حالي  
إزاي حا تنعم صباحاً ياطلل بالي  
مكتوب على الدار يسيل السيل  
ويمحيها

فى كل موسم بيعفيها ما يعفيها  
ينزل من العالى لو تثبتله ينفىها  
والريح تغنيها هنونة وتغطيها  
آية ومستعجمة تصعب على التالى

بتبنو ليه بسّ داركوف نصّ مجرى السيل

حبة مطر لو تحصلَّها تشوفوا الويل  
الشمس ديب اصفر السحنة شديد الحيل  
هربت مِنْهُ وعازِز ضِلَّة للتقيل  
ملقيتش غير الطلول متهدمة قبالي

عاتبتها فيكو قالت غيرى روح عاتبه  
ياريته يصغر عليهم م القضا رحبه  
أنا وسكاني مين فينا غدر صاحبه  
إياك أنا اللي على أربع إيدين بحبو  
واقوم احملّ ف وشّ الفجر أحمالي

قعدت اعاتب واقول فتقول كفاية عتب  
مرمية ع الصَّحْرَا حَبَّة قماش وخشب  
بين الأحبة وبينى وبين خيمها نسب  
الدار حزينة وغضبانة وانا ابن عرب  
الحزن والغضب اعمامى وأخوالى

فضلت حتى إذا ما الليل بدا يغوّل  
مالقيتش فى الآخر الا اللي اتبنى الأوّل

الليل محى الطرقات ما عرفت ش اتحول  
بيفسر الدهر مكتوبى وبيأول  
بعكس ما أشتهى يملئى أفعالى  
الليل محى الطرقات ما عرفت فين اندار  
شكلى كدة مكرر الغلطة وبانى الدار  
عازز علياً أسيبك يا قليلة الجار  
وان كان ما عزش فغصب عنى مش مختار  
رسمالى وان كان ما فيش فايذة فى رسمالى  
قعدت ازقق لنفسى الفكرة بصعوبة  
إيش حيلة آدم لو التفاحة معطوبة  
وبديت اجمع لوحدى طوبة مع طوبة  
هابنى هنا وعينى صوب التلة مرعوبة  
ما همها إلا غيمة سودا فى العالى  
وازاي هاننعم صباحاً يا طلل بالى



## المنظر

خد عندك اوصف قهوة فى الشارع  
كل اللى قاعد فيها  
حاطط رجل فوق الثانية  
والرجل اللى فوق وكأنها حَ تَشوِط  
قاعد ينطُق فوقها أحواله  
كما الكورة  
والكورة بِنُورة  
بيحلق فيها ويفكّر  
مشوار طويل ع الرجل  
زى القُطُّ متكور  
والرجل تتمرجح  
كفعل المهد من هزاته تلقى القُطُّ متخدر  
أشعث كما غَزَل البنات

وعليه عينين وشناب  
يتأملوا فى الشعر الابيض والرمادى فرقة الشياب  
مترصّصين كده جنب بعض كأنهم  
لازمة على نوتة موسيقى قاعدة تتكرر  
رجل الزبون متوازية مع رجل اللى جنبه  
كأنها تنوين  
والشيشة جنب الشيشة  
والليآت خطوط بالورب  
زى قوايش العسكر  
الكل ثابت خالص إلا القهوجى  
مارر على صف الكراسى يوصل الطلبات  
مترصصين ومرصصين  
ده واد رصين  
وده أهوجى  
وده برمجى  
وده بهرجى  
وده معترض  
وده أيوجى  
وده واد ما بين لاتنين

الرجل فوق الثانية  
والرجل اللي فوق وكأنها حاتشوط  
طوب الرصيف  
تحت الكراسى قعد يخط خطوط  
وكانه قال لك ده مهم وده مهم،  
تبص فوق الخط تعرف قد إيه كداب  
رأى الدخان الهادى فى العيثة  
ناقشته ع الهوا نقاش  
والصبح والشبورة شاش بيغلف المنظر  
بيلصمه تلصيم كأنه لزق أو ضمادات  
والشمس زى طيبة إيدها ثقيلة ع المساكين  
تطلع تشيل الشاش  
عن المنظر،  
فَيَتَكَسَّرُ!





## الشطرنج

الملك الأسود فى الشطرنج  
وقف قلقان  
قُدَّامَهُ ميدان  
مليان دُخَّان  
ورماح وسيوف  
بيبُصُّ يشوف  
الجيش مكشوف  
فرسانه الزنج  
الموت أستيكَة وهُمَّه حروف  
سكرات البنج  
مُنْبَهٌ خوف  
خَضُّ الفرسان  
عَدَلِ العِمَّةِ وَنَقْضِ العِفْرَةِ عَنِ القِفْطَانِ

أصل السلطان  
كان وُدِّي عساكره تدافع عنه ف كل مكان  
كيف ما بداله  
يمينه شماله  
وُدِّي رجاله  
على أفياله  
وخيل خياله  
حتى الطابية اللي باقياله  
ووزيره وحاله ومحتاله  
يموتوا بداله  
فى الأول كان هادى باله  
موتهم مش مشكلة بالمطلق  
دول بيموتوا لجل حياته  
لكن لما الوضع تطور  
فجأة تَدَكَّر  
إنه العسكر  
لوماتوا  
وبقى لوحدده  
من غير جنده

وحُمائهُ

حتما يخسر

حك اللحية ملكنا وفكر

ملك الأبيض برضه مقلّق

هو صحيح عايق ومشبرق

لسة العفرة ما وصلتوش

بس الحظ ما بيحبوش

فى العادة بيخسر حروباته

وحظ الملك الأسود يفلق

جند الأبيض هاجم أيوة

بس مُفَرَّق

والدنيا مش دايماً حلوة

يبقى عدوك عايز غلوة

تيجى عليك من دونه البلوة

الأبيض فاقد أعصابه

والأسود موته على بابه

من فتحة ما بين فارسين

بَصُوا على بعض الاتنين

لحظة وجات العين فى العين  
الاتنين بصوا على بعض  
والقتلى مالىين الأرض  
عرض الأول ع الثانى  
قام الثانى قِبَلِ العرض  
وإدى يا سيدى نص جوابه :  
بعد السلام  
يا جلالة الملك الهمام  
أعرض عليك وقف الخصام  
عارف جلالتك طبعاً انه اللعبة دى  
ما بتنتهيش  
إلا إذا واحد من الملكين يموت  
لكن إذا ماتوا الجنودم الجانبين  
نقدر أنا وإنت نعيش  
واللعبة تخلص بالتعادُل  
وَعَلَيْهِ يا صاحبى المبجل  
أطلب إليك إرسال جيوشك للقتال  
حيث تُقتل  
وأنا كذلك بالتبادل

واللعبة تخلص بالتعادل  
زى ما أسلفت لك  
ويا حبذا أيضاً إذا ما حلفت لى  
وحلفت لك  
إن العداوة بيننا تصبح كالمفيش  
وبلاها جيش  
ثم السلام أحسن ختام  
يا جلالة الملك الهمام  
قُبِلَ الحل الإنسانى  
من غير كانى ولا مانى  
وراح الجند المتفانى  
مَيِّتُ فانى  
وَفِضْلُوا الملكين الأحرار  
يتلقوا مباركة وتهانى  
لاجل إيقاف إطلاق النار  
صَبَّحَ الأسود والأبيض  
أحسن أحباب  
وبقوا جيران الباب فى الباب  
صَبَّحَ الأبيض والأسود

زى الإخوان  
ما بقاش ده أبيض ولا ده أسود  
لكن ألوان  
واتشبهك نسج الأنساب  
زينة وبهرج سلطاني  
نور الرضا تحت تيجانهم  
ماليين نشرات الأخبار  
وفضلوا العسكر ف ميدانهم  
موتى حافظين الأسرار.

## أهل البكا فى الفرح والضحك فى الأحزان

أهل البُكا فى الفرح والضحك فى الأحزان  
يوم القيامة همومنا تكسر الميزان  
شايف أملنا جنينة دربها نيران  
نجرى إليها ويسقط فى الطريق شهدا  
وكل ما نقول تعبنا نقول شوية كمان

لأفئِن تاريخنا على أكتافنا سجادة  
تنقل وتغلى إذا مرت سنة زيادة  
متزخرفة على خَلْفِيَّة سواد سادة  
يا معجزة ف كَفُّ عَزَّالينها معتادة  
منسوجة من عَرَق العبدان والسادة

والجند والقادة  
ومن عمایل عدانا  
ومن عمایلنا  
شایلین تاریخنا علی کُتافنا  
وشایلنا  
بنکتبه وهُوّه یمحینا، یا عالم مدد  
شيلة ثقيلة ولا حيلة لنا  
أَوْ جَلْدُ

نقد وقل العدد  
سجادنا غطى البلد  
نمشى وخيطانه لِسَهَّ فى مغازلنا  
نخلص يا يخلص ييامًا تخلص البلدان  
وكل مانقول تعبنا يقول شوية كمان

\* \* \*

النخل مايل على دجلة فى ليلة الغزو  
جَمْعُ المغول غول بيمحى فى المداين مَحُوْ  
عيون هلكها النعس  
والخوف على الأسوار  
وع البروج فى الهوا



ترجف مشاعل نار  
 والنار بتبعت لناريحة تتر في الجوّ  
 ممالك الشام رهاين عصابة الأفرنج  
 عساكر اتنطورت في رقعة الشطرنج  
 والنار بتاكل كُتُبُ م الطوب وم الأحجار  
 والنار بتاكل مُدُنُ م الفلسفة والنَّحْوُ  
 نادى الخليفة ما ردش غير عبیده الزنج  
 منقوش على طرف السجادة بينادى  
 منقوش عليها ومعشّق حزن بغدادى  
 مكتوب على طرف السجادة كلمة «لَوُ»  
 و«لَوُ» دى كلمة أمل تعمل عمل شيطان  
 وكل ما نقول تعبنا تقول شوية كمان

\* \* \*

وبعد ألف سنة لف الزمن وانداز  
 سجادة ملفوفة قلنا ولقها غدار  
 شُفّت ابراهيم ماشى على شط الفرات محتار  
 يقول يا نار ابردى  
 تقول له ما هو بيدى  
 والله ياسيدى

ما كنت أقرب لهم لو كان بإيدي اختار

لكن إرادة بشر

موكب ضباغ انتصر

على طفالة صغار!

قال الحسين كربلاء الخلق متعممة

آل النبي بالعطش مضروب علينا حصار

تمشى الأعدى بخوذ أو تمشى متعممة

بني أمية جروحكم لسه اهيه معلمة

خافوا على نفسكم لو كنتمو مش خايفين

على النسب والدين

يا مية النهرين

مية وضوء السما

من طلعة الطيران

ماشيين فى مملكة الموتى ندور على

نبي الخلود فى الخلا

ينده علينا الصدى انتو الخلود يا اخوان

وكل ما نقول تعبنا يقل شوية كمان

\* \* \*

طالع على الججلة بين عسكر الرومان

أهله اليهود سلموه ليهم وقالوا خان  
تعب كريم النسب من قلة الخلان  
وفوق كتافه الخشب من شغلته تعبان  
شفته على الجُلجَّة  
وأيدياً متسلسلة  
بالشك والأسئلة  
بينادي ليه سبتنى يا مَكُونِ الأكوان  
والحربة فى ضلوعه  
لما ارتفع عالصليب  
ما شفت انا دموعه  
وأماً نظر للبشر من تحته، دمعه بان  
من يومها واحنا بنمشى كلنا بصُلبان

أنا الصليب خشبة فاردة دراعينها  
ما أتعسِ الشجرة اللى بيعملوه منها  
حدّش سأل إيه شعورى وهوّه شايلى؟  
إيده علياً دفا ودينى على دينها  
هوّه صلبنى بجماله  
قبل ما اغتالّه

خَلَّص لِي صَبْرِي بِصَبْرِهِ عَ اللّٰهِ يَجْرٰلِهِ  
عَتِرَ فِي شٰلِهِ  
وَقَعَ عَلَ الْجُلُجَّةِ نَوْبَتَيْنِ  
حَطُّوهُ عَلِيًّا الْعَسَاكِرَ وَالبَشَرَ شٰهَدِينَ  
الْكَفَّ عَالِكَفًّا

وَالرَّجْلَيْنِ عَلَي الرِّجْلَيْنِ  
يَمِينِي ف يَمِينِهِ وَشِمَالِي عَلَي شِمَالِهِ  
هُوَ صَلِيبِي، عَلَي بَعْضِ اَحْنَا مَصْلُوبِينَ  
أَبْكِي حَبِيبِي وَعَذَابِي مَن عَذَابِهِ اَتْنِينَ  
وَصَوْتِ مَن الْغَيْمِ يِنَادِي وَيَعْلَى مَسْمُوعُهُ  
لَا تَدْمَعِي يَا جَرَارَ الزَّيْتِ عَلَي عَصْرِهِ  
دِهْ كُلْ شَيْءٍ يَجْرِي لِأَزْمِ يَجْرِي فِي عَصْرِهِ  
الْجُمُعَةَ لِلْعَسْكَرِي وَالسَّبْتَ لِلْكَهَّانِ  
وَالْحَدَّ لِلْحَدِّ بَيْنَ الْكُفْرِ وَالْإِيمَانِ  
مَنْقُوشَ عَلَي طَرْفِ السَّجَادَةِ «لِيهَا أَوْان»  
يَا قَدْسَ، وَاللّٰهُ اِنْهَزَمَ، قَادِرَ عَلَي نَصْرِهِ  
وَاحِدَ عَظِيمِ الشَّانِ  
وَالصَّبْرَ طَيِّبًا وَعَيْسَى عَارِفَ الْعُنْوَانِ  
وَكَلَّ مَا نَقُولُ تَعْبِنَا يَقُولُ شَوِيَّةَ كِمَانِ

\* \* \*

متجمّعين كلّهم فى المسجد الأقصى  
الأنبيا زى نقش الآية منرصّة  
والفجر أسطى ف زواق الشمس يتوصّى  
واصل نبينا مُحَمَّد سيّد الكونين  
يؤمّمهم صاحب الخاتم كحيل العين  
الأحمد العربى اللى ف «طه» وف «ياسين»  
من الكرم خلّى فى حلق الشيطان غصّة  
مستنبيينك يا سيدنا يا كبير القوم  
تجلى الغمامة وترفع غمّة المهموم  
ياللى فديت الغزالة من يهود الشوم  
ياللى أخذت التار  
من أغنيا كقار  
يوم اخرجوك م الدار  
ورجعت منصور بعسكر من بشر ونجوم  
ميه طوفان الزمن يغسل إديه فيها  
والعلة تشفيها بيها  
وانت كافيها  
تمشى على الصّحرا تطرح كرم وكروم  
إلحق عليها، يا بو القاسم، غزاها الروم

مطرح ما كنت إمام الرُّسُل في المسجد  
فيه شعب كامل جماعة هناك بيستشهد  
جيش الجبابرة من التابوت بيتهدد  
يا جندي يا مستخبي وانت بتسد  
والله مات الولد، بتطخ مين يا جبان!

ألوان علمهم وراسمينها ف مناديلهم  
واقفة الملاحم ينادوا لها وتنادى لهم  
شايلين وطنهم على كتافهم وشايلهم  
نجوم تحوم في بيوتهم يا قناديلهم  
نجوم بترعش لكين يرعش لها ليلهم  
والمعجزة فكل إيد  
نبي يا كل شهيد  
وكعبة يا كل منزل من منازلهم  
لبسوا السواد  
مش حداد  
لكن غضب يحتد  
لبسوا السواد  
بس ما قبلوا التعازي ف حد

الموت يحسُّ بَعَبْتُ  
الموت يحسُّ بَجْدُ  
أمره عليه التَّبَسُّ  
مفروض يكون له احترامه بين بنى الإنسان  
إتهان  
ودمه اتَّحَبَسُ  
الموت لبس كفنه وحضر لنفسه صوان  
مستنيين احنا مين فينا للى حينه حان  
ما تقول لنا يانبى يا خير وكَد عدنان  
الحمل زاد ع البشر والعدل فى الميزان  
وكل ما نقول تعبنا يقول شوية كمان  
أهل البكا فى الفرح والضحك فى الأحزان





## أنا المؤذن

أنا المؤذن على صوتى تدور الشمس  
أنا المؤذن على صوتى يقوم الدين  
الله أكبر صبحنا بأول الصلوات  
الله أكبر بصوت عالى  
ويبدأ الهمس  
فرخة بتجرى فى حارة  
ونور على ستارة  
عسكر فى قصر الإمارة  
يبدلوا النوبات  
وناس دراوشة حيارى  
وناس لها تجارة  
وناس بلذة ومرارة  
ينسجوا الحكايات

الله أكبر صلاة الظهر نرفعها  
تحذير من الغارة  
وجيوش عُزَّ جِزارة  
تعلى الحرارة على الأسياف تلمعها  
يجروا البشرع البيوت  
فى السوق يشح القوت  
دوشة وراها سكوت  
مستننيين الموت  
إيده على صفحة التاريخ يوقعها

الله أكبر صلاة العصر اعليها  
جيش الأكارم ضراغم تحت قوس النصر  
دهب يا لون الحيطان تضحك لهم فى العصر  
دق الطبول فى الدروب  
دق الطرب فى القلوب  
وحسى فيهم يدوب  
تكبيرى مسموع يا دُوب  
كأنه طفلة تشب براسها وإديها

تكبيرة المغربية عرس أو زفة  
طرحة تغطي صغيرة وعمة ملتفة  
والعين بتنظر تشوف  
مدينة لابسة الشفوف  
سما تحنى الكفوف  
صوت الغنا والدفوف  
الشمس قارب وهو حاكم الدقة

تكبيرة الليل زيارة شاي وأرجيلة  
واليوم تعب بعد رحلة يوم وترحيلة  
والنور على الدنيا  
بيقلب المعنى  
م الليل ويجمعنا  
نيجي فمواعيدنا  
والفجر مستنى من جبريل توصيلة

أنا المؤذن على صوتي تدور الشمس  
أنا المؤذن على صوتي يقوم الدين  
طالع على سلم المدينة بقالى سنين

ما بيخلصوش السّلام تحت رجلياً  
مش عارف ايه اللي جرى فيها وجرى فياً  
أنا اللي كنت أجيبها فُ خطوتين بالأمس  
الدمع سايل وبَلُّ الهدْمَة والخُفِّين  
أبكي على صلواتِ المسلمين الخَمْسِ!

## الغارَة

طَفَى النُّورُ طَفَى النُّورُ  
فِيهِ صُفَّارَةٌ  
جَائِيَّةُ الْغَارَةِ  
طَفَى النُّورُ

صَفَّ مِنْ الْأَقْوَاسِ يَتَحَرَّكُ  
لَوْ دَقَّقَتْ تَلَاقَى نَاسٌ  
تَجْرِي طَابِقَةُ السَّاسِ عِ الرَّاسِ  
نَاسٌ بِيَقُولُوا أَمْرُكَ أَمْرُكَ  
وَلَا فَيْشَ أَمْرٍ وَلَا مَأْمُورٍ  
طَفَى النُّورُ طَفَى النُّورُ

وَالْعَتَمَةُ تُلْفُ الْمَعْمُورُ  
وَتَسَاوَى الْمَزْرُوعُ بِالْبُورِ

وعيونُ خَلَقَ صايبها المَسُّ  
مَرَّةً تُبْرِقُ  
مرةً تدورُ

حائرة العين مش قادرة تُفَرِّقُ  
بين الحق وبين الزور  
طفى النور طفى النور

اسبَقُ اسبَقُ  
خُشُّ الملجأ  
وفُ ريح اللى فُ ريحكُ الزق  
شيخُ بيكُحُ  
تسرى العدوِ يكحُ الكُلُّ  
واد فى كفوفه حِتَّة عيشُ  
غيرها ما فيش  
ومن الشحَّ  
كُلُّ وما قلش لواحد كُ  
يملا الملجأ شعبُ مَزَنَّقُ  
متجمعٌ لكته مَفَرَّقُ  
يخلوا بيها فَتِخْلا الدُّورُ  
طفى النور طفى النورُ

حبة ويبدأ  
ضرب النار  
يا وشوشهم نشرة أخبار  
كله مَقْلَقُ  
والخوف داقق فيهم زار  
بس ما حدش قادر ينطق  
وصاروخ جاي عليهم دُغرى  
سرب الطير للصياد مُغرى  
إزاي شافنا  
واحنا مش شايفين أوصافنا  
كاتمين الحركة والحس  
ومفيش حىّ عشان يقولوئه  
والموت يتشم ويتجس  
والموتى ما لهمش قبور  
طفى النور طفى النور

يا ملجأنا يا مغدور  
جُحْرِ المؤمن مرّة وبس  
من يومك والدرس اتْحَسُ  
لما الموت بتدق طبولُه

وَيُصْرُخُ فِينَا عُمُرٌ بَطُولُهُ:  
فيه صفارة جاية الغارة  
نقيد النور  
قيدوا النور.



# الأغاني



## يا غزالة يفديها النبي

يا غزالة يفديها النبي لومى علينا واعتبى  
وذنوب على الدهر احسبى يا غزالة يفديها النبي  
يا غزالة ماشية فى القيود أسرها تاجر من يهود  
ما بكتش والعالم شهود بس الألم ما يختبى  
يا غزالة يفديها النبي

ساقها لسوق مكة وقال من يشتري أم الغزال  
والدم من سلسالها سال يا شمس حُسن بتغرُبى

يا غزالة يفديها النبي  
سايبة وئدّها فى الفلا م الجوع وم القلّة انسلا  
متقيّدة وخايفة على حاجة لا تحصل للصبى

يا غزالة يفديها النبي  
شافها الأمين المؤمن قال فُكّها قال له التّمَنُ  
قال له وئدّها واللّبن قال له نصيبى ومكسبى

يا غزالة يفديها النبي

قال سيبها بس تشوف عيالها وحطّني في القيد بدالها  
دى النفوس تُجَزَى بعملها ف حكم ديني ومذهبي

يا غزالة يفديها النبي

قام قيّده ف عزّ الضّحي تاجر يهودي وما استحي  
جرت الغزالة مجرّحة يا أرض من دمعي اشربي

يا غزالة يفديها النبي

راحت وبّرت طفلها وأما حكّت له قال لها  
روحي ارجعي ده أقأها تفدي النبي مش تهربي

يا غزالة يفديها النبي

يا غزالة مات المصطفى إلی وفيتي له ووفى  
بين الجنود مستكتفة شايك في قبره اليثربي

يا غزالة يفديها النبي

تعمذي وعالي الأنين يفديك مين بعد الأمين  
إلا الولاد الطيبين أهل التراب الأيطبي

يا غزالة يفديها النبي

إحنا الصبي اللي اشتقت ليه واللى بدأت القصة بيه  
والواد فدا أمه وأبيه يا غزالة يا أمي وأبي

يا غزالة يفديها النبي

يا قدس قبة من ذهب يا شعر في سقوف الخشب  
يا دمعة في عيون العرب لا تنزلي ولا تنضبني

يا غزالة يفديها النبي

يا قدس نُقْبَةً مَزَوَّقَةً عَطْرَ فِشْوَارِ عِضِيقَةٍ  
مَا كُفَايَةَ يَا حَاجَّةَ بَقِي نَصِيبُ عَلِيكَ وَتَصِيبِي

يا غِزَالَةَ يَفِيْدِيهَا النَّبِي  
يَا فِدْوَتَكَ سُنَّةً وَدِينِ وَالصَّبْرَ تَاجَ رَاسِ السَّجِينِ  
إِنْ كَانَ غَلَطَ حُكْمِ السَّنِينِ هَاتِصِحْحِيهَا وَتَعْرَبِي

يا غِزَالَةَ يَفِيْدِيهَا النَّبِي  
جَايِيْنَ عَلَي سُنَّةً شَجَنُ سُنَّةً كَرَامَةَ فِي الْمِحْنِ  
يَا قَدَسَ نَادِي فِي الْعَلَنِ أَسْمَاءَ وَوَلَادِكَ وَآكْتَبِي

يا غِزَالَةَ يَفِيْدِيهَا النَّبِي  
يَا شَمْسَ نَوْرَهَا مَا انْطَفَى عِ الْجَمْرِ نَمَشَى بِالْحَفَا  
وَلِحَدِّ مَا تَقُولِي كَفِي نِدْيِكَ قَدِّ مَا تُطَلِّبِي

يا غِزَالَةَ يَفِيْدِيهَا النَّبِي



## الله أكبر

الله أكبر على حقل الزيتون محרות  
الله أكبر على عيش للحمام مفتوت  
الله أكبر على أسلاك وراها بيوت  
الله أكبر نشيد فوق البيوت منحوت  
الله أكبر بقى المرة دى مش ح تفوت  
الله أكبر ولو كانت تمنها الموت  
الله أكبر عساكر خايفة من تابوت  
الله أكبر عيال بيزلزلوا الملكوت  
الله أكبر كبار بتقول كلام ملتوت  
الله أكبر وحق انبح منه الصوت  
الله أكبر على الباهت وع المبهوت  
الله أكبر على الساكت يلاقى سكوت  
الله أكبر على اللى يصدّق الجبروت  
الله أكبر ما متناشى ومات الموت!





## التار الطويل

ده تار طويل  
من جيل لجيل  
والطقتين  
متحوشين  
والرد دين  
يا إسرائيل

ده حساب طويل وما لهش حدّ  
مع كل حد يروح له حدّ  
وكل بيت فى مصر حدّ  
على شهيد ناره تقيد  
فى سيناء أو فى بور سعيد  
خمسين سنة إيه اللى جدّ

نفس الوطن نفس القتييل  
وده تار طويل  
من جيل لجيل  
والطالقتين  
متحوشين  
والرد دين  
يا إسرائيل

إزاي حننسى ظلم فات  
وهو متعادع الشاشات  
ضرب العيال بالدبابات  
هدّ المدارس ع البشر  
كيفُ تننسى بحر البقر  
والدمّ فوق الكراسات  
نفس الوطن نفس القتييل  
وده تار طويل  
من جيل لجيل  
والطالقتين  
متحوشين

والرد دين

يا إسرائيل

حق الجنود الأسرى فين

يتقتلوا متقيدين

سرقوا دبلهمم الإيدين

وحقهم فى القبر راح

وجراح تفكرنا بجراح

صبرا وشاتيلا ودير ياسين

نفس الوطن نفس القتل

وده تار طويل

من جيل لجيل

والطالقتين

متحوشين

والرد دين

يا إسرائيل

خلى كلامك ع الوتر

دقق وحقق فى الصور

تلقى ولد شاييل حجر  
واقف فى غزة والخليل  
يشبه ولد أسمر نحيل  
فى مصر جايّ ومُنْتَظَر  
نفس الوطن نفس القتيل  
وده تار طويل  
من جيل لجيل  
والطالقتين  
متحوشين  
والرد دين  
يا إسرائيل

## أنا باعتذري يا شهيد

أنا باعتذري يا شهيد  
أشعاري مشحون تفيد  
بس السكوت ح يضر  
أنتَ عرفت تموت  
منصور وعالي الصوت  
في القبر لكن حر  
ياللي سكوتك قول  
ياللي في إيدك نول  
تنسج وطن بإيديك  
بالطقة والكلمة  
بتنور الضلمة  
وتنشرها من حواليك  
يا بو الجناح مفرود

شوف العيون السود  
حاطة أملها عليك  
ياللى كلامك فرض  
تضحك عيون الأرض  
لما عليها تمر  
والخير عليها يزيد  
أنا باعتذر يا شهيد...  
يا سيد العالم  
زايد شرف آدم  
بين الملايكة أمير  
يسلم لى عصيانك  
بيقول لسجّانك  
مين اللى فينا أسير  
مين اللى فينا هاب  
و الطفل فى الكتّاب  
خلّاله عقله يطير  
وان طالّت البلوى  
ابن البلد أقوى  
بس السلاح بيغر

وَبتَغْلِبُهُ الأناشيد  
أنا باعتذر يا شهيد...  
باناديكو يا اسيادي  
عابد و بينادي  
طالب رضا مولاه  
حَ أعمل سماي كُتاب  
واكتب عليها جواب  
من مجدكم أملاه  
وح احط فيه أشعار  
آخرها باسم الدار  
أولها باسم الله  
انتو سفينة نوح  
انتو حلاوة الروح  
وسط الزمان المر  
وانتوا أدان العيد  
أنا باعتذر يا شهيد  
أشعاري مش ح تفيد  
بس السكوت ح يضر  
انت عرفت تموت

منصور وعالى الصوت

فى القبر لكن حر



## الناس دى جاية منين

الناس دى جاية منين من السممانازلين  
ولا بشـر من طين أو شىء ما بين لاتنين

الناس دى جاية منين

من غمزة الخدين أو من دموع العين  
جايين يوفو بدين ولا يطالبوا بدين

الناس دى جاية منين

صوت الهتاف ممدود يعبر سدود وحدود  
أغنية فيها بارود ورصاصة فيها حنين

الناس دى جاية منين

من غمزة الخدين أو من دموع العين  
جايين يوفو بدين ولا يطالبوا بدين

الناس دى جاية منين

شايلىن سبع سموات فى الدمع والبسمات  
طارح ولاد وبنات حقل الزيتون والتين

من غمزة الخدين أو من دموع العينين  
جايين يوفو بدين ولا يطالبوا بدين

الناس دى جاية منين

جايين من الأقصى والأقصى له قصة  
بيها النبي وصى أهل الشرف والدين

الناس دى جاية منين

من غمزة الخدين أو من دموع العينين  
جايين يوفو بدين ولا يطالبوا بدين

الناس دى جاية منين

قبة ذهب وحمام تطمن الأيام  
فى حاضنها وتنام والطبع منه هايلين

الناس دى جاية منين

من غمزة الخدين أو من دموع العينين  
جايين يوفو بدين ولا يطالبوا بدين

الناس دى جاية منين

دهرك يداهمهم ويهدعالمهم  
كاتبين ملاحمهم عالجبهة والكفين

الناس دى جاية منين

من غمزة الخدين أو من دموع العينين  
جايين يوفو بدين ولا يطالبوا بدين

الناس دى جاية منين

لا تنسى يا نساى حق الزمان الجاى  
وازاى حـ تنسى ازاي والبطن فيها جنين

الناس دى جاىة منين

من غمزة الخدين أو من دموع العين  
جاين يوفو بدين ولا يطالبوا بدين

الناس دى جاىة منين

غميم الغضب راعد والخوف ماهوش وارد  
أصل العدو واحد فى مصر وفلسطين

الناس دى جاىة منين

من غمزة الخدين أو من دموع العين  
جاين يوفو بدين ولا يطالبوا بدين

الناس دى جاىة منين

الناس دى زى الناس بين الأمل واليأس  
صحوا وعلو الراس عقبال بقى الباقيين



## أدى التحية العسكرية للعيال

أدى التحية العسكرية للعيال  
عدّوا ميزاننا بعد ما ميزاننا مال  
طرحوا سؤال وعجزنا عن ردّ السؤال  
يا اخواننا مين فينا اللي تحت الإحتلال

أدى التحية العسكرية للبنات  
شُنط المدارس ضدّ صفّ الدبابات  
تبكى ولا تقبل تعازى فى اللي مات  
تغلب دروع العسكرى بطرحة وشال  
أدى التحية العسكرية للعيال...

أدى التحية العسكرية للشجر

يطرح علم غصن الزيتون اللى انكسر  
يطرح شرر يطرح بشر زى القمر  
وان يقطعوه تفضل عروقه فى الرمال  
أدى التحية العسكرية للعيال ...

أدى التحية للى إدى الحق صوت  
أدى التحية لشبَّ حبَّ الأرض موت  
أدى التحية العسكرية للبيوت  
تتهد تبقى حجارة فى إدين الرجال  
أدى التحية العسكرية للعيال ...

أدى التحية العسكرية للقبور  
فيها زهور لؤلؤ بحور وبدور تدور  
فيها بدور يوم القيامة والنشور  
مهما حصل ثابتة ف مكانها لا تزال  
أدى التحية العسكرية للعيال ...

أدى التحية العسكرية للغضب  
وطريق مشى فيه المسيح لما انصلب

وحمام يطير بين المآذن والقُباب  
فوقها علامة نصر تشبه للهلال

أدى التحية العسكرية للعيال  
عدلوا ميزاننا بعد ما ميزاننا مال  
طرحوا سؤال ويا ويلنا من رد السؤال  
يا اخواننا مين فينا تحت الإحتلال





## شُيَاب الكوتشينة

مين فيكم مين فينا شُيَاب الكوتشينة  
إحنا ينلعب بيهم ولأبيلعبوا بيينا

شياب الكوتشينة

ده نصيبك ونصيبهم ونصيب كل الأمة  
تعديلهم تقابهم يفضلوا زي ماهمة  
حبايبنا وحبايبهم فوق راسنا وعنينا

شياب الكوتشينة

قاعدين على طليية دوايريية دوايريية  
بيغنوا أغنيية ع الأمة العربية  
يعنى عليك وعليسا وعليهم وعلينا

شياب الكوتشينة

ده نصيبك ونصيبهم ونصيب كل الأمة  
تعديلهم تقابهم يفضلوا زي ماهمة  
حبايبنا وحبايبهم فوق راسنا وعنينا

شياب الكوتشينة

يا جمالهـم يا ثباتهـم تسلم لى اجتماعاتهـم  
وبلاغهـم خطابهـم ودهب صلواتهـم  
أولادهـم وبناتهـم أسى اءنا وموالىنا  
شىاب الكوتشىنة

ده نصىبك ونصىبهم ونصىب كل الأمة  
تعءلهم تقلبهم فى ضلوازى ماهمة  
حباىبنا وحبابىبهم فوق راسنا وعنىنا  
شىاب الكوتشىنة

جعلونا أرقاماً ورقاً أى كلاماً  
وزبالاً وللاماً إن حرباً وسلاماً  
وسنبقى أقزاماً أعواماً وسنىنا

شىاب الكوتشىنة  
ده نصىبك ونصىبهم ونصىب كل الأمة  
تعءلهم تقلبهم فى ضلوازى ماهمة  
حباىبنا وحبابىبهم فوق راسنا وعنىنا

شىاب الكوتشىنة  
مىن فىكم مىن فىنا شىاب الكوتشىنة  
ياربى تهءىدهم أو سىبهم واهدىنا

شىاب الكوتشىنة

## يا موت إذا تسمع

يا موت إذا تسمع      تصبر علينا شوي  
عشان اموت يا موت      مش لازم ابقى حي؟

يا موت إذا تسمع..

خليني أعرف احب      يا موتى حالفك  
يا قلب جوه العيب      تعبتني معرفتك  
بين القلوب بتشيب      وتمردك أقتك  
وعليك غضب بيهب      من السلاح أقتك

ومن الصبح أوضح

يا موت إذا تسمع      تصبر علينا شوي  
عشان اموت يا موت      مش لازم ابقى حي  
يا رافع الرايات      والنعش يتهدى  
يا شعب دي علامات      يوم حشد وشهادة  
حناكم السنوات      جرايمها بزيادة  
ع الصبح فى المرات      شهدانا يا سادة  
مبتسمة بصبح

يا مـوت إذا تـسمـح	تـصـبـر عـلـيـنا شـوئ
عـشـان اـمـوت يـا مـوت	مـش لـازـم اـبـقـى حـي
عُصَّة على عُصَّة	يا نـشـرة الأـخـبـار
مـن أول الحـصَّة	فـهـمـوا كـبـار و صـغـار
المـسـجـد الأقـصـى	تـحـت الحـصـار مـحـتـار
وصـفـوف و مـنـرـصـة	مـن عـسـكـر الكـفـار

### صوت الأذان يجرح

يا مـوت إذا تـسمـح	تـصـبـر عـلـيـنا شـوئ
عـشـان اـمـوت يـا مـوت	مـش لـازـم اـبـقـى حـي
شـفـت الـولـد بـيـصـيـح	والـجـنـدى بـيـسـد
طـيـر الكـرامـة جـريـح	عـلى طـيـر جـريـح يـسـنـد
يـبـكـى بـدـمـع مـسـيـح	لـلأرـض بـيـعـمـد
و سـمـعـت صـوت الـريـح	بـالـحـق يـتـشـهـد

### وباسمنا يسبح

يا مـوت اذا تـسمـح	تـصـبـر عـلـيـنا شـوئ
عـشـان اـمـوت يـا مـوت	مـش لـازـم اـبـقـى حـي

## يا مرخصين الموت

يا مرخصين الموت  
شايلين على التابوت  
يا عيال فداكو ملوك  
يا شبع لو يتلوك  
نايم كحيل العين  
بالشنطة ع الكتفين  
ميت هتفتم عاش  
راح الفتى ببلاش  
مسجدنا مين شافه  
أعمارنا أوقافه  
تجرى عليه الماي  
يا بوب دور ازاي  
يا وشوش عليها الضيا  
دول ناس ومش أنبيا

عَلْنَا عَلَى الشَّاشَاتِ  
أَرْضٍ وَسَبْعَ سَمَوَاتٍ  
وَعَقُودَ وَرَقٍ وَصُكُوكِ  
آيَةٍ مِنَ الْآيَاتِ  
أَصْحَابِهِ لَهُ دَاخِلِينَ  
بَيْتِ قَبْلُوا الْوَجَنَاتِ  
دُنْيَا فِي مَتْرَقِ مَاشِ  
لَوْ سَبَبَتْ وَتَارَهُ يَبَاتِ  
خَائِلٍ فِي أَوْصَافِهِ  
تَجْرِي عَلَيْهِ الطَّلِبَاتِ  
وَتَقُولُ لَهُ يَا مَوْلَايَ  
تَخْرُجُ مِنَ الْهَالَاتِ  
لِلْوَعْدِ مُسْتَوْفِيَةٌ  
دَى كِرَامَةِ مَشِ كِرَامَاتِ



## حمد الله على السلامة

عيد الزواج الثلاثين لرضوى ومريد

يصحوا على شمس أو غمامة

وبنص غفوة ونص ابتسامة

تقول يا بابا ويقول يا ماما

يا ألف حمدالله ع السلامة

إحكى الحكاية من البداية وارفع مرآية فى وش دهرك  
ورى له وشه إوعك تغشه سلطانه كشه والأمر أمرك  
دهرك أتارى أنت فيها جارى بين الحوارى تنفذ بعمرك  
والدنيا خامة آخر رخامة تطرقها ياما يعوجُّ زهرك  
واليوم مفخخ قشره مشرّخ يفسس يفرّخ نمر و يمامة  
وألف حمدالله عالسلامة

شُبُّوا وطبُّوا ورجعوا شُبُّوا والدهر عِبُهُ فِيهِ الْعِبَايِرُ  
ثَوْرَةٌ وَنَصِيْبِيهَا، يَغْلِبُهَا عَيْبُهَا، يَفْضَلُ طَبِيْبِيهَا، فِي الْعِلَّةِ حَايِرُ  
أَمَلٌ بِيَدْبَلٍ، مَا هُوَ أَصْلُهُ أَهْبَلٌ، مَصْرٌّ يَفْضَلُ، يَعْجَنُ مَصَايِرُ  
يَعْجَنُ وَيَخْبِزُ، يَجْمَعُ وَيَفْرِزُ، يَخْفَى وَيَبْرِزُ، عِ الْعَيْنِ دَوَايِرُ  
يُرْبِطُ إِيْدِيْنَا، وَيَتَقَلُّ عَلَيْنَا، لَكِنَّهُ فِينَا، سَايِبٌ عِلَامَةٌ  
وَأَلْفٌ حَمْدُ اللَّهِ عِ السَّلَامَةِ

بَغْدَادُ وَبِيْرُوتُ، وَفِيْرَهُلْمُ أُوتُ (\*)، أَيَّامٌ وَبِتَفْوَتٍ، مَخْتَوْمَةٌ بَيْنَا  
وَإِنَّا كُنْتُ عَيْلٌ، بَقِيْتُ بِأَخِيْلٍ، وَالْخَيْلُ تَمِيْلٌ، زِي السَّفِيْنَةِ  
سَفِيْنَةٌ لَقَّتْ، تَقَلَّتْ وَخَفَّتْ، وَالْمَوْنَةُ جَفَّتْ، وَالظَّنُّ مِيْنَا  
غَنَى يَا لَلِّي، غِنَاكَ يَسْلَى، وَسَلْمٌ وَصَلَى، عَلَى نَبِيْنَا  
عَلَى اللَّيِّ صَدَّقْ، فِي مَحْضِ مَبْدَأٍ، أَنْشَأُ فِي خَنْدَقٍ، سَمَا  
فَعِمَامَةٌ  
وَأَلْفٌ حَمْدُ اللَّهِ عِ السَّلَامَةِ

عَشْرَةٌ وَعَشْرَةٌ، مِنْ بَعْدِ عَشْرَةٍ، صَوْرَةٌ فِي نَشْرَةٍ، مَرَّتْ  
حَمَامَةٌ

---

(\*) الأماكن التي ذهب إليها مرید البرغوثي بعد ترحيله من القاهرة عام ١٩٧٧ فيرهُلم أوت، هو اسم شارع في العاصمة المحرية بودابست حيث كان مرید البرغوثي يقيم في منفاه.



الصففر كحكة؁ والدمعة ضحكة؁ والسيرة تُحكى؁ فتزفد  
وسامة

فا حق أرعن؁ طاعة وسمعا؁ تعفنا؟ طبعاً؁ لكن نشامى  
ولا ندامة ولا ملامة؁ ده الحق شامة؁ فاهل الكرامة  
زرعتو وردة؁ والفكرة ارءة؁ من النهارءة؁ لىوم القىامة!



## الفهرس

٥	هدية
٩	النملة
١٥	أوضة
١٧	فى العالم العربى تعيش
٢١	الشيال
٢٣	بكاء على الأطلال
٢٧	المنظر
٣١	الشطرنج
٣٧	أهل البكا فى الفرح والضحك فى الأحزان
٤٧	أنا المؤذن
٥١	الغارة
٥٥	الأغانى
٥٧	يا غزالة يفدها النبى
٦١	الله أكبر

٦٣	..... التار الطويل
٦٧	..... أنا باعتذر يا شهيد
٧١	..... الناس دى جاية منين
٧٥	..... أدّى التحية العسكرية للعيال
٧٩	..... شيايب الكوتشينة
٨١	..... يا موت إذا تسمح
٨٣	..... يا مرخصين الموت
٨٥	..... حمد الله على السلامة

رقم الإيداع ٥٩٧٧/٢٠٠٢  
التقييم الدولي 7 - 0277 - 09 - 977

### مطابع الشروق

القاهرة: ٨ شارع سيديه المصرى - ب ٤٠٢٣٩٩ - فاكس: ٤٠٣٧٥٦٧ (٠٢)  
بيروت: ص.ب: ٨٠٦٤ - هاتف: ٣١٥٨٥٩ - ٨١٧٢١٣ - فاكس: ٨١٧٧٦٥ (٠١)





# دار الشروق

الظاهرة، ٨ شارع سيديبويده المصري - رابعة العدوية - مدينة نصر  
س.ب، ٣٣ البانوراما - تلطون، ٠٢٣٣٩٩ - هالكس، ٠٣٧٥١٧ (٢٠٢)  
e-mail: dar@shorouk.com

